

DEPORTE

A.V.P. lo bolbe stimula deporte en general.

E maneho cu A.V.P. a entama den su gobernacion lo mester continua.

Enfasis mester worde poni ariba creacion di lidernan deportivo.

Gobierno mester percura pa den tur centronan di bario tin practica di deporte bao di guia profesional.

Como Idefre no tin suficiente cuadro pa duna lesnan deportivo na school, cursonan mester worde duna na maestronan di school pa nan mes por duna lesnan necesario.

Di e manera aki Idefre por percura pa den e centronan di bario tin personanan adecuado pa guia juventud despues di school.

Gobierno lo mester percura pa den tur bario di Aruba tin suficiente facilidadnan deportivo pa practica deporte.

Asina nos por menciona cu e sala di gimnasia pa schoolnan na San Nicolas mester worde construi mas liher posibel. E mapa ta cla, ta e gobierno actual a para su construcion.

Despues di school e facilidad aki lo mester ta na disposicion di juventud di San Nicolas, naturalmente bao di guia profesional. Deportistanan di Aruba tin derecho riba un stadion cu tur e facilidadnan necesario y di e piscina olimpico na Savaneta.

Nos ta mira cu ambos proyecto di A.V.P. a wordu para door di e gobierno actual. Asina perhudicando nos pueblo en general y nos hubentud en particular.

Bao di e proximo gobernacion di A.V.P. lo realiza e projectonan aki.

Tambe den tur distrito lo planifica facilidadnan deportivo, di manera cu un y tur por practica deporte den su mes barrio.

CONSEJO DEPORTIVO

Un consejo Deportivo mester worde crea.

E consejo aki lo mester bay funciona como e organo mas importante pa Gobierno pa lo cual ta concerni deporte.

Den e consejo aki mester tin representacion di entre otro Idefre, ASU y COA.

E consejo aki mester bin cu plannan pa campaña di promocion pa stimula practica di deporte en particular door di juventud pa asina e por tin influencia positivo ariba e

formacion general y pa combati en particular e uso di droga y e mal uso di alcohol.

Aki mester referi na e concepto di e nota tocante deporte cu a wordu prepara bao di gabinete Eman y cu awor mester worde ehecuta.



FONDO DEPORTIVO

Lotto pa Deporte mester worde sanea y saca for di politequeria.

Un fondo deportivo mester worde crea cual lo funciona tambe como fondo di subsidio.

Den e fondo aki mester tin contribucion di Gobierno, sportlotto, landsloterij y otro instantianan.

Pa e condicionnan y tur e reglanan relaciona cu dunamento di subsidio por referi na e "Concept-Subsidielandsverordening" cual a wordu prepara door di gabinete Eman.

E partnership entre Gobierno y sector particular mester bay mas leu cu cooperacion financiero. Sector particular mester por duna mas oportunidad pa nos deportistanan por practica mas.

Roly Bisslik
na su yegada
despues di a
landa di
Venezuela
pa Aruba

Gobierno lo mester percura pa den tur bario di Aruba tin suficiente facilidadnan deportivo pa practica deporte.